

REFERAT IIIA - Isumaginninnermut Inunnullu Innarluutilinnut Ataatsimiititaq d. 03-12-2024

Mødedato Tirsdag d. 03. december 2024 kl. 17:00

Mødested Kommunalbestyrelsip ataatsimiittarfiani

Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Suliffeqarnermut Isumaginninnermullu Ataatsimiititami suliat oqaluuserineqartussat pillugit ilisima	6
Angerlarsimaffeqanngitsuuneq pillugu immikkoortumut pilersaarut 2024.....	9
Ingerlatsinermik nakkutilliisarneq pillugu ilisimatitsissut.....	13
Inuit innarluutillit pillugit Siunnersuisoqatigiit ataatsimiittarnerannik ataavartumik ilisimatitsinerit..	16
Utoqqaat pillugit Siunnersuisoqatigiit ataatsimiittarnerinik ataavartumik ilisimatitsisarneq.....	19
Nakorsaaneqarfiup Utoqqaat Illuani nakkutilliinera.....	22
Kommuneqarfik Sermersuumi utoqqaat pillugit misissuineq 2023-2024.....	25
Inuit innarluutillit pillugit Siunnersuisoqatigiit aamma Utoqqaat pillugit Siunnersuisoqatigiit maanr	28
Taasariaqartut allat.....	31
Imaqarniliap akuerineqarnera.....	32

Punkt .: Saqqaa

Ilaasortat:

Inge Olsvig Brandt (IA), siulittaasoq

Lone Rosengreen Pedersen (IA), siulittaasup tullia

Poul Petersen (D)

Mala Høy-Kúko (S)

Dorthe-Marie Mogensen-Fontain (S)

Beslutning

Ataatsimeeqataasut:

Inge Olsvig Brandt (IA)

Lone Rosengreen Pedersen (IA)

Attaveqaatitigut peqataavoq:

Dorthe-Marie Mogensen- Fontain (S)

Poul Petersen (D)

Ataatsimeeqataasinnaanatik nalunaartut:

Mala Høy-Kúko (S)

Punkt .: Oqaluserisassat akuerineqarneri

Beslutning

Oqaluserisassat akuersissutigineqarput.

Punkt .: Nalunaarutit

Beslutning

Nuummi allaffinnik nussuineq

Allaffeqarfik aamma Suliffeqarnermut Isumaginninnermullu Ingerlatsivimmi sullissisarfik ulluni 6.-8. decembari Kommunip allaffianut nuussaaq, innuttaasunut qanillinissaq pilersinniarlugu. Nuutsernermi siunertarineqarpoq kommunimi innuttaasut "ataasiinnarmik saaffiginnittarfeqalerneq" pilersinniarlugu - kommunip allaffiani. Tamanna innuttaasunut sammisunik sulialinnut immikkoortoqarfinnik ataatsimoortitsinermik kinguneqassaaq aamma innuttaasut pitsaanerusumik sullinneqarnissaannik pilersitsilluni.

Aqutsisut

Inunnut innarluutilinnut Tarnimikkullu nappaatilinnut immikkoortoqarfimmi aqutsisut sap. ak. 48-mi pikkorissartinneqarput, tassani suleqatigiiaani aqutsineq inuttullu pissutsikkut toqqissisimaneq suliarineqarput.

Juullimi sammisassaqtitsinernik pilersaarusioneq

Inunnut innarluutilinnut Tarnimikkullu nappaatilinnut immikkoortoqarfik innuttaasunut najugaqatigiiffinni najugaqartunut sammisassanik arlalinnik pilersaaruteqarpoq, assersuutigalugu julebingo.

Punkt 1: Suliffeqarnermut Isumaginninnermullu Ataatsimiititami suliat oqaluuserineqartussat pillugit ilisimatitsissut

Beslutning

Ilisimatitsissut tusaatissatut tiguneqarpoq.

Suliffeqarnermut Isumaginninnermullu Ataatsimiititami suliat oqaluuserineqartussat pillugit ilisimatitsissut

Ilisimatitsissut

SagsID.: EMN-2024-02034

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsivimmit Suliffeqarnermut Isumaginninnermullu Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq

Suliassamik saqqummiussineq

Suliffeqarnermut Isumaginninnermullu Ingerlatsivimmit matumuuna suliassat ataatsimiititami oqaluuserineqartussatut ingerlatsivimmit ataatsimiititamut ilisimatitsissutigineqarput.

Ataatsimiititami oqaluuserineqarnissaannut piffissaliusseq suli aalajangiunneqanngilaq, soorluttaaq immikkoortut allannguuteqarsinnaasut.

Ingerlatsivimmit kissaatigineqarpoq, ataatsimiititaq suliassamik oqaluuserineqartussamik ilisimatinnegartassasoq, ataatsimiititami ilaasortat piareersarluarsinnaaniassammata ataatsimiititap ataatsimiinnissaanut oqaluuserisassat aalajangiunneqannginneranni.

Piffissami matumani ingerlatsivimmit suliassat uku ukiup affaani tulliuuttumi ataatsimiititami oqaluuserineqartussatut naatsorsuutigineqartut ilisimaneqarput:

- 2025 - 2029-mi Suliffeqarnerq pillugu immikkoortumut pilersaarutip akuerineqarnera
- Innarluutillit pillugit immikkoortumi pilersaarutip killiffia
- Angerlartitsinerit pillugit peqqinnissaqarfimmik nutaamik isumaqatigiissuteqarnerq pillugu ilisimatitsissut
- 2024-mi Assigiinngitsunik suliallit ataatsimiititaata (TFU) suliarsimasaanik ukiumoortumik ilisimatitsissut
- 2024-mi isumaginnittoqarfik aqutigalugu initaartinneqarnissamut innersuussinerit pillugit ukiumoortumik ilisimatitsissut
- 2025-mut Majoriamut angusassat pillugit isumaqatigiisummik aamma ingerlatsinissamut isumaqatigiisummik nutaamik isumaqatigiissuteqarnerq pillugu ilisimatitsissut
- Paamiut pillugit isumaqatigiissut pillugu ukiumoortumik killiffik
- Inunnut innarluutilinnut ataqatigiissaarisartoqatigiit pillugit killiffik/naliliineq
- Nuummi Koefods Skolemut naatsorsuutit ukiumoortumillu nalunaarussiaq 2024
- Siu-Tsiu pillugu ukiumoortumik naliliineq

Ataatsimiititami oqaluuserineqartussat aalajangersimasut, ukiumut arlaleriarlugit oqaluuserineqartartut takussutissaliami ilaatinneqanngillat.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Missingersuusiornermut Naatsorsuusiornermullu Immikkoortortami aningaasatigut naliliineq



Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Ilanngussat

Ilanngussaqaanngilaq.

Punkt 2: Angerlarsimaffeqanngitsuuneq pillugu immikkoortumut pilersaarut 2024

Beslutning

Ilisimatitsissut tusaatissatut tiguneqarpoq.

Bilag

Angerlarsimaffeqanngitsuuneq pillugu immikkoortumut pilersaarut

Kalaallit Nunaanni angerlarsimaffeqanngitsunik naatsorsuineq 2022

KS-imi angerlarsimaffeqanngitsut aamma najugaqanngitsut amerlassusii



Angerlarsimaffeqanngitsuuneq pillugu immikkoortumut pilersaarut 2024

Ilisimatitsissut

SagsID.: EMN-2024-03863

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsivimmit Suliffeqarnermut Isumaginninnermullu Ataatsimiititamat inassuteqaatigineqarpoq:

1. ilisimatitsissut tusaatissatut tiguneqassasoq

Suliassamik saqqummiussineq

Angerlarsimaffeqanngitsuuneq pillugu immikkoortumut pilersaarut kommunimit 2021-mi februaarimi akuerineqarpoq. Matumuuna 2024-mi killiffia tulliuuttumi nassuiarneqarpoq.

Immikkoortumut pilersaarutip pingaarnertut anguniagai tassaapput:

- Angerlarsimaffeqanngitsuunut sullissivimmik pilersitsineq
- Angerlarsimaffeqanngitsuunut ataavartumik inissianik pilersitsineq
- Angerlarsimaffeqanngitsuuneq pinaveersaartinniarlugu ikiuinialunilu periaatsinik ineriartortitseqqinneq

Anguniakkat pingasuusut killiffii ataani nassuiarneqarput.

Angerlarsimaffeqanngitsuunut najugaqarfissatut neqeroorutininik nutaanik pilersitsineq
Suliniuteqartunit aalajangerneqarpoq angerlarsimaffeqanngitsuunut sullissivimmut taarsiullugu najugaqariaatsit assigiinngiaartut angerlarsimaffeqanngitsuunut neqeroorutiginnissaat siunniunneqassasoq. Illoqarfimmi sumiiffinni assigiinngitsuni inissinneqartussanik angerlarsimaffeqanngitsuunut najugaqarfiit imatut siunissami ingerlateqqillugit suliarineqassapput:

- Tassangaannartumik angerlarsimaffeerunnermi piffissami sivikitsumi najugaqarfiit
- Piffissami sivilunerusumi najugaqarfiit, utaqqiisaasumik inissiat ineqarnermut atatillugu sungiusarnermut suliniuteqarnermut atasut
- Najugaqarfiit "Allatut ittut", innuttaasunut ikiorserneqarlutik ataavartumik neqeroorfigineqarnissaminnik pisariaqartitsisunut inissaqartitsisut

Suliniut, siunissami Angerlarsimaffeqanngitsuunut Najugaqarnissamik Neqeroorummik taagorneqartussa, suli Oak Foundation Denmark suleqatigalugu ingerlanneqarpoq.

Angerlarsimaffeqanngitsuunut ataavartumik inissianik pilersitsineq

Inissianik nutaanik pisariaqartitsineq suli annertuvoq. Pingaartumik Nuummi innuttaasut amerliartorfianni. Ullumikkut inissiat amigaatigineqareerput, nutsernerullu suli ingerlaannarnissaa naatsorsuutigineqarmat inissianik pisariaqartitsineq suli annertusiartuinnassasoq naatsorsuutigineqarpoq. 2022-mi angerlarsimaffeqanngitsuunik kisitsinerup takutippaattaq Tasiilami angerlarsimaffeqanngitsut aamma amerlasut, taamaattumik Tasiilami Paamiunilu inissialornissap politikikkut eqqumaffigineqarnera pitsaasuvoq. Ingerlatsivimmit Iserit A/S qinnuigineqarpoq Tasiilami inissianik nalinginnaasunik amerlanerusunik pilersitsisoqarsinnaanera misissoqullugu.

Nuummi misiligutaasumik inissiat

Ingerlatsivik Isumaginninnermut Suliffeqarnermullu Naalakkersuisoqarfik aamma Oak Foundation suleqatigalugit Blok 8-mi inunnut 15-inut siniffissalimmik, ininut 11-nut agguataarsimasunik, inissiamik misiligutaasumik pilersitsipput. Misiligitut inissiat inigiuannagassatut



neqeroorutaanissat eqqarsaataangilaq, akunniffigineqarsinnaasutulli, angerlarsimaffeqanngitsut akuuleriartuaarnissaannut ineqarnermillu sungiusarfissaattut atuuffeqassapput. Suliassa qarfirmik suliaqartut aasaq apersuinerisa takutippaat atuisut neqeroorut ataatsimut isigalugu naammagisimaaraat. Atuisunit erseqqissarneqarpoq, neqeroorut toqqissisimanarlunilu eqqissisimanartuusoq, namminerisamillu inuunissamut periarfissaqartoq aamma aaqqiagiinnginnertaqanngitsaq. Atuisut aamma nuanninngitsortaqaqarnera oqaatigivaat, najugaqartut nutaat nipiliortartut aamma ataatsimut sammisassat amerlanerusinnaasut.

Angerlarsimaffeqanngitsunut ineqarnermik sungiusarfissat nutaat

Kommuneqarfik Sermersooq containerinik inissialianik 44-nik pisivoq, Qinnngutsinniittunik, aamma Qeqertani inissisimasunik 26-nik. Containerinik inissialiat angerlarsimaffeqanngitsut ineqarnissamik sungiusarnerinut atorneqassapput. Taakku saniatigut containerinik inissialianik katiterneqanngitsunik 40-nik, Tasiilamut nassiunneqartussamik, Kommuneqarfik Sermersooq pisivoq, taakkunannga 10-t angerlarsimaffeqanngitsunut neqeroorutaassapput.

Angerlarsimaffeqanngitsunngorsinnaanermik pinaveersaartitsineq

Pisortanit ikiorsiissutit aamma suliffissarsiornermi ikiorsiissutit pillugit inatsisip nutaap kingunissai

Suliffeqarnermut Isumaginninnermullu Ingerlatsivimmit, pisortanit ikiorsiissutit aamma suliffissarsiornermi ikiorsiissutit pillugit inatsit nutaaq angerlarsimaffeerunnissamik annertunerusumik nassataqassasoq naatsorsuutigineqarpoq. Inatsisip nutaap aallaavimmini kommune innuttaasup aalajangersimasumik aningaasartuutaanik akiliisinnaajunnaarsippaa. Imaappoq, aallaavittut ikiorsiissutinik tigussisussat ikiorsiissummik kommunimit tigussisapput namminerlu aningaasaqarnertik aqussagaat inilu attartugartik aamma akilertassagaat. Immikkut pisoqartillugu kommune ikiorsiissutinik pisartagallip aningaasaqarneranik aqutsinnaanermik periarfissaqartinneqassaaq.

Tamatuma kinguneranik innuttaasut qanoq amerlatigisut angerlarsimaffeerunnissaminnut qaninnerulissanersut Suliffeqarnermut Isumaginninnermullu ingerlatsivimmit suli misissorneqanngilaq.

Akiligassanut tunngatillugu inissiaatileqatigiiffinnik suleqateqarneq

Suliffeqarnermut Isumaginninnermullu Ingerlatsivimmit Iserit aamma INI suleqatigineqarput, innuttaasut akiligassat amerliartornerat pissutigalugu attartukkaminniit anisitaanissaannik pinaveersaartitsineq pillugu. Piffissami matumani suleqatigiinneq taanna annertunerulersinneqarpoq, innuttaasut ilaanni amerlasuut namminneq inimut attartukkaminnut akiliisarnissartik pissutigalugu akiligassanikkaluttuinnarnissaat ilimanaateqarlunnarmat, suliffissaqartitsinermut tunngasunut inatsisit nutaat malillugit.

Inuusuttut akornanni angerlarsimaffeqanngitsuuneq

Suliffeqarnermut Isumaginninnermullu Ingerlatsiviup Nuummi Kofoed Skolep aamma Majoriap akornanni suleqatigiinneq aallarnisarpaa, inuusuttut angerlarsimaffeqanngitsut pillugit suliniummik pitsaanerulersitsisussamik.

Pineqaatissinneqarsimasunut inissiisarfimmeereernerup kingorna innuttaasut akornanniilersitsineq

Suliffeqarnermut Isumaginninnermullu Ingerlatsiviup pinerluttunik isumaginnittoqarfik suleqatigivaa, innuttaasut pineqaatissinneqarsimasut isumaginninnermi inissianut innersuunneqartarnissaat pillugu. Innuttaasunut pineqaatissinneqarsimasunut tunngatillugu taakku innuttaasut akornanniilerseqqinnissaat pillugu suliniut suli eqqumaffigineqartariaqarpoq. Suliffeqarnermut Isumaginninnermullu Ingerlatsivimmit anguniarneqarpoq, innuttaasut pineqaatissinneqarsimasunut inissiisarfimmiinnerminnik naammassinnittunut iliuusissanik pilersaarusiortoqartarnissaa, pinerluttunik isumaginnittoqarfik suleqatigalugu.

Ingerlatsivimmit aningaasatigut sulisoqarnikkullu naliliinerit



Pisariaqanngilaq.

Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Angerlarsimaffeqanngitsunut periusissiaq
- Angerlarsimaffeqanngitsuuneq pillugu immikkoortumut pilersaarut

Ilanngussat

1. Angerlarsimaffeqanngitsuuneq pillugu immikkoortumut pilersaarut
2. Kalaallit Nunaanni angerlarsimaffeqanngitsunik naatsorsuineq 2022
3. KS-imi angerlarsimaffeqanngitsut aamma najugaqanngitsut amerlassusii

Punkt 3: Ingerlatsinermik nakkutilliisarneq pillugu ilisimatitsissut

Beslutning

Ilisimatitsissut tusaatissatut tiguneqarpoq.

Bilag

Nakkutilliilluni nalunaarusiat ataatsimut eqikkarneri



Ingerlatsinermik nakkutilliisarneq pillugu ilisimatitsissut

Piffissami aprili – agusti 2024 nakkutilliineq

Ilisimatitsissut

SagsID.: EMN-2024-02907

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsivimmit Suliffeqarnermut Isumaginninnermullu Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq

Suliassamik saqqummiussineq

Inuit innarluutillit tapersorsorneqarnissaannut Inatsisartut inatsisaat nr. 13, 12. juuni 2019-imeersoq malillugu kommunimi najugaqarfinni nakkutigineqartuni, najugaqatigiiffinni, utoqqaat illuini aamma utoqqaat najugaqatigiiffini, Isumaginninnermi suliassaqarfimmi nakkutilliisarneq pillugu Kommuneqarfik Sermersuumit ukiumut ingerlatsinermik nakkutilliineq ingerlanneqartarpoq.

Nakkutilliinerni siunertaasarpoq pitsaassutsinut qulequttat arlallit tunngavigalugit suliffeqarfiup pitsaassusianik nassuiaateqarnissaq naliliinissarlu, taakkununga najugaqartut namminneq inuunerminnut sunniuteqarsinnaanerat, neqeroorutip suliatigut ingerlanneqarnerini periutsit kiisalu aaqqissugaaneq aqutsinerlu ilanngullugit. Pitsaassutsimut tunngasut Isumaginninnermik suliassaqarfimmi nakkutilliisarneq pillugu Namminersorlutik Oqartussat nalunaarutaat nr. 49, 31. agusti 2021-meersumi aalajangersarneqarput.

Nakkutilliinerni ajornartorsiutaasut paasiniarneqartarput pitsanngorsaatisatullu periarfissanik innersuussisoqartarpoq. Taamaaliornikkut kommunip innuttaasunut sullissinerani pitsaassusissatut aalajangersakkat sulisullu sulinerminni atugarisaat qulakkeerneqartarput.

Piffissami 2024-mi apriliimiit aggustimut nakkutilliinerit pingasuusut nassuiaatigineqarput, tassaasut:

- Najugaqatigiiffik Kangillinnguit
- Najugaqatigiiffik Qinngorput
- Ittoqqortoormiini utoqqarnut najugaqatigiiffik Qanganitsat

Ilanngussaq 1-imi nakkutilliinermut nalunaarusiat ataatsimut eqikkarneqarneri ataatsimoortinneqarput, taakkunani inerniliinerit pingaarnerit innersuussutillu eqikkarneqarput. Tullinguuttuni nakkutilliivigineqartunut inerniliinerit innersuussutaasullu ataasiakkaat erseqqissaatigineqarput.

Inunnut innarluutilinnut tarnikkullu nappaatilinnut Immikkoortortaqarfik - Nuuk (nakkutilliinermi nalunaarusiat marluk)

- Najugaqatigiiffinni marluusuni napparsimasarnerit sulisullu taarseraannerat suliffeqarfinnut assersuunneqarsinnaasunut allanut sanilliullugit appasipput
- Najugaqatigiiffinni marluusuni sulisut aaqqiaginnitsoqartillugulu aaqqiiniartarneq pillugu pikkorissarput
- Najugaqatigiiffinnut tamanut ulluinnarni nassuiaatit najugaqartunut tunngasut annikipput qaqutigoorlutillu.



- Nalinginnaasumik isumaginninnikkut perorsaannermut sulianut tunngasut appasipput. Isumaginninnikkut perorsaannermik suliaqarnermut najoqqutassaqaarnissamut aqutsisutigit akisussaaffiliivoq
- GetOrganizedimik (kommunip elektroniskimikjournaliseringssystemia) atuutsitsilernissaq suli ingerlavoq
- Qinnqutsinni killiffinnut nalunaarusiat journalimut toqqorneqartarnerisa amerlassusaat pitsanngoriartorpoq
- Qinnqutsinni naleqartitanut tunngavinnik nutaanik suliaqartoqarpoq, taakkunanilu suliatigit siunertat allaaserineqarlutillu najugaqartunik sullissinermut tikkuussisuupput

Nakkutilliisup oqaaseqaatai innersuussutaalu tunngavigalugit najugaqatigiiffinni Inunnut innarluutilinnut tarnikkut nappaatilinnullu Immikkoortortaqaarfimmi Fagcheffi suleqatigalugu suliniutinik aallartitsinikuupput. Inunnut innarluutilinnut tarnimikkullu nappaatilinnut immikkoortortaqaarfimmi 2024-mi kvartalimi kingullermi killiffinnut aamma ineriartortitsinissamut nalunaarusianut skabeloni suliarineqarpoq, ilaatigit taanna atorlugu innuttaasut ineriartornissaannut namminerlu inuunermik kissaateqarnerannut tunngatillugu innuttaasunik peqataatitsinerunissamik siunertaqartoq.

Utoqqarnik suliaasaqarfimmi– Ittoqqortoormiit (nakkutilliinermi nalunaarusiaq ataaseq)

- 2023-mi tamakkiisumik naliliinerit suliarineqarput, taamaakkaluartoq tamakkiisumik naliliinerni sulianut tunngasortai appasipput
- Sulisut taarseraannerat suliffeqarfinnut assersuunneqarsinnaasunut appasinnerusutut isigineqarpoq.
- Utoqqarnut najugaqatigiiffiup illutaa ullutsinnut naleqquttuussappat iluarsartuunneqartariaqarpoq
- Attaveqaataasutut atuuffiup atuutsinneqalernissaanut suliaq ingerlavoq

Nakkutilliisup oqaaseqaatai innersuussutaalu tunngavigalugit utoqqaat illuat Utoqqarnik suliaasaqarfimmi fagcheffi suleqatigalugu suliniutinik aallartitsisoqarpoq. Immikkoortuni tamani maleruaqqusatigit takussutissaliortarnermilu assigiissaarinissaq Utoqqarnik suliaasaqarfimmi sulissutigineqarpoq. Utoqqarnut ataatsimut najugaqatigiiffimmut tamakkiisumik naliliinerit aqutsisutut qullersaasuniit pitsaassusaasa qulakkeerneqartarnissaat isumagineqartalissapput.

Ingerlatsivimmit aningaasatigit sulisoqarnikkullu naliliinerit

Aningaasatigit allaffissornikkullu kinguneqanngilaq.

Missingersuusiornermut Naatsorsuusiornermullu Immikkoortortamit aningaasatigit naliliineq

Pisariaqanngilaq.

Inatsisitigit tunngavissaq allakkallu tunngaviusumik uppersaatiillit

- o Isumaginninnermik suliaasaqarfimmi nakkutilliisarneq pillugu Namminersorlutik Oqartussat nalunaarutaat nr. 49, 31. agusti 2021-meersoq
- o Inuit innarluutillit tapersorsorneqarnissaannut Inatsisartut inatsisaat nr. 13, 12. juuni 2019-meersoq

Ilanngussat

1. Nakkutilliilluni nalunaarusiat ataatsimut eqikkarneri
2. Kangillinnguini nakkutilliinermi nalunaarusiaq 2024
3. Qinnqorput pillugu nakkutilliinermi nalunaarusiaq 2024
4. Ittoqqortoormiini Qanganitsani nakkutilliinermi nalunaarusiaq 2024

Punkt 4: Inuit innarluutillit pillugit Siunnersuisoqatigiit ataatsimiittarnerannik ataavartumik ilisimatitsinerit

Beslutning

Ilisimatitsissut tusaatissatut tiguneqarpoq.

Bilag

Inuit innarluutillit pillugit Siunnersuisooqatigiit ulloq 23. oktobari 2024-mi ataatsimiinnerannit imaqarniliaq

Inuit innarluutillit pillugit Siunnersuisoqatigiit ataatsimiittarnerannik ataavartumik ilisimatitsinerit

Ulloq 23. oktobari 2024-mi ataatsimiinnermit

Ilisimatitsissut

SagsID.: EMN-2023-02055

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsivimmit Suliffeqarnermut Isumaginninnermullu Ataatsimiititamat inassuteqaatigineqarpoq:

1. ilisimatitsissut tusaatissatut tiguneqassasoq

Suliassamik saqqummiussineq

Inuit innarluutillit pillugit Siunnersuisoqatigiit ulloq 23. oktobari 2024 ataatsimiipput.

Siunnersuisoqatigiinnut siulittaasup tullia inuit innarluutillit pillugit toqqaannartumik suliaqartarunnaarsimanini pillugu tunuarniarluni aalajangersimasoq ataatsimiinnermi ilisimatitsissutigineqarpoq. Tassunga uiggiullugu Autismeforeningen attavigineqarpoq, uppersarpaallu siulittaasuat peqatigiiffimmut sinniisutut ilaasortanngussasoq. Ilaasortaq alla, Meeqqanut Ilaqutariinnullu Ingerlatsivimmi immikkoortotami aqutsisoq ilaasortatut tunuarpoq maannamiillu sinniisuusaaq. Taarsiullugu Meeqqanut Ilaqutariinnullu fagcheffi ilaasortanngussaaq.

Suliffeqarnermut Isumaginninnermullu Ataatsimiititamik ulloq 3. decembari 2024-mi ukiumoortumik ataatsimeeqateqarnissamat piareersaatit ilaattut siunnersuisoqatigiit killiffik pillugu nalunaarusiatut siunnersuursorput, taannalu tusaatissatut tiguneqarpoq. Ilaasortat immikkoortunut oqaaseqaatinik siunnersuutinillu, ataatsimiititami oqaluuserisassatut kissaatinik nassiussinissaminnut kingusinnerpaamik 12. novembari 2024-mi periarfissaqarput.

Inuit innarluutillit pillugit Siunnersuisoqatigiit kommunalbestyrelsimut piffissaq qinigaaffiusoq malillugu atuuffeqarput 2025-milu kommunimi qinersinermut atatillugu atuuffiat naammassissalluni. Suliffeqarnermut Isumaginninnermullu Ingerlatsivimmit inuit innarluutillit pillugit inatsisip nutaap atuutilernissaata tungaanut inuit innarluutillit siunnersuisoqatigiinni ilaasortaanertik sivisorallarusunnaat apeqqtigineqarpoq. Piffissap sivikitsup iluani qinersinissaq pinngitsoortinniarlugu aamma siunnersuisoqatigiit sulinerat ataavartuunissaa qulakkeerniarlugu 2025-mi kommunimut qinersinerup kingorna ukiup affaa tikillugu sivitsuisoqarsinnaavoq. Inuit innarluutillit pillugit Siunnersuisoqatigiit inatsisip atuutilersinneqarnissaata tungaanut atuuffitsik ingerlaannassasoq pitsaassasoq isumaqarput.

Siunnersuisoqatigiit sivitsuinissamat kissaateqarnerat tunngavigalugu siunnersuisoqatigiit atuuffiat attatiinneqarnissaa akuerisassanngorlugu Suliffeqarnermut isumaginninnermullu Ingerlatsivimmit ataatsimiititamat immikkut inassuteqaammik nassiussissaaq. Inuit innarluutillit pillugit inatsit atuutilerpat siunnersuisoqatigiit nutaamik katiterneqarnissaannut qinersititsisoqassaaq.

Suliffeqarnermut Isumaginninnermullu Ataatsimiititaq Inuit innarluutillit pillugit Siunnersuisoqatigiinni ataatsimiittarnerit pillugit ataavartumik ilisimatinnegartarpoq, soorluttaaq Inuit innarluutillit pillugit Siunnersuisoqatigiinnit imaqaarniliat Kommuneqarfik Sermersuup nittartagaani tamanut saqqummiunneqartatut.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Missingersuusionermut Naatsorsuusionermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Inuit innarluutillit tapersorsorneqarnissaannut Inatsisartut inatsisaat nr. 13, 12. juuni 2019-imeersoq
- Kommuneqarfik Sermersuumi Inuit innarluutillit pillugit Siunnersuisooqatigiinni ileqqoreqqusat
- Inuit innarluutillit pillugit Siunnersuisooqatigiit suleriaasiat

Ilanngussat

1. Inuit innarluutillit pillugit Siunnersuisooqatigiit ulloq 23. oktobari 2024-mi ataatsimiinnerannit imaqarniliaq.

Punkt 5: Utoqqaat pillugit Siunnersuisooqatigiit ataatsimiittarnerinik ataavartumik ilisimatitsisarneq

Beslutning

Ilisimatitsissut tusaatissatut tiguneqarpoq.

Bilag

Utoqqaat Siunnersuisooqatigiit ulloq 9. oktobari 2024-mi ataatsimiinnerannit imaqarniliaq

Utoqqaat pillugit Siunnersuisooqatigiit ataatsimiittarnerinik ataavartumik ilisimatitsisarneq

Ulloq 9. oktobari 2024-mi ataatsimiinnermit

Ilisimatitsissut

SagsID: EMN-2023-02053

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsivimmit Suliffeqarnermut Isumaginninnermullu Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq

Suliassamik saqqummiussineq

Utoqqaat pillugit Siunnersuisooqatigiit ulloq 9. oktobari 2024-mi ataatsimiipput. Siunnersuisooqatigiit Utoqqaat Illuat ulloq 24. septembari 2024-mi aamma Ippiarsuk ulloq 2. oktobari 2024-mi pulaarpaat, tassuuna ulluinnarni ingerlatsineq aamma najugaqartut sulisullu unammillernartitaat qanimut paasisaqarfigerusullugit. Pulaarnerit taakku tunngavigalugit siunnersuisooqatigiit maanna innersuusiortut, innersuusiatiillu Suliffeqarnermut Isumaginninnermullu Ataatsimiititamik ulloq novembarip 19-ianni 2024-mi ukiumoortumik ataatsimeeqatiginninnerminni saqqummiunniarlugit.

Utoqqaat pillugit Siunnersuisooqatigiinnit kissaatigineqartut naapertorlugit Suliffeqarnermut Isumaginninnermullu Ingerlatsivimmit 2023-mi ukiakkut Kommuneqarfik Sermersuumi utoqqaat atugarisaat pillugit misissuinerup aallartitsisoqarpoq. Septembarip ulluisa 25-anni 2024-mi utoqqaat pillugit misissuinerup inernerit kiisalu tusagassiuutinut nalunaarutit marluk Utoqqaat pillugit Siunnersuisooqatigiinnut Isumaginninnermut Suliffeqarnermullu allaffeqarfimmit saqqummiunneqarput. Siunnersuisooqatigiit siunnersuuteqareersut akuersissuteqareersullu tusagassiuutitigut nalunaarutit saqqummiunneqarput.

Utoqqaat pillugit Siunnersuisooqatigiit kommunalbestyrelsimut piffissaq qinigaaffiusoq malillugu atuuffeqarput 2025-milu kommunimi qinersinermut atatillugu atuuffiat naammassissalluni. Suliffeqarnermut Isumaginninnermullu Ingerlatsivimmit utoqqaat pillugit inatsisip nutaap atuutilernissaata tungaanut Utoqqaat pillugit siunnersuisooqatigiinni ilaasortaanertik sivisorallarusunneraat apeqqutigineqarpoq. Piffissap sivikitsup iluani qinersinissaq pinngitsoortinniarlugu aamma siunnersuisooqatigiit sulinerat ataavartuunissaa qulakkeerniarlugu 2025-mi kommunimut qinersinerup kingorna ukiup affaa tikillugu sivitsuisoqarsinnaavoq. Utoqqaat pillugit Siunnersuisooqatigiit inatsisip atuutilersinneqarnissaata tungaanut atuuffitsik ingerlaannassasoq pitsaassasoq isumaqarput. Siunnersuisooqatigiit sivitsuinissamat kissaateqarnerat tunngavigalugu siunnersuisooqatigiit atuuffiat attatiinnarneqarnissaa akuersassanngorlugu Suliffeqarnermut isumaginninnermullu Ingerlatsivimmit ataatsimiititamut immikkut inassuteqaammik nassiussissaaq. Utoqqaat pillugit inatsit atuutilerpat siunnersuisooqatigiit nutaamik katiterneqarnissaannut qinersititsisoqassaaq.

Suliffeqarnermut Isumaginninnermullu Ataatsimiititaq Utoqqaat pillugit Siunnersuisooqatigiinni ataatsimiittarnerit pillugit ataavartumik ilisimatinnegartarpoq, soorluttaaq Utoqqaat pillugit Siunnersuisooqatigiinnit imaqarniliat Kommuneqarfik Sermersuup nittartagaani tamanut saqqummersinneqartatut.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Missingersuusionermut Naatsorsuusionermullu Immikkoortortamit aningaasatigut nalililneq

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Kommuneqarfik Sermersuumi Utoqqaat pillugit Siunnersuisooqatigiinnut ileqqoreqqusat
- Utoqqaat pillugit Siunnersuisooqatigiit suleriaasissaat
- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Ilanngussat

1. Utoqqaat Siunnersuisooqatigiit ulloq 9. oktobari 2024-mi ataatsimiinnerannit imaqarniliaq

Punkt 6: Nakorsaaneqarfiup Utoqqaat Illuani nakkutilliinera

Beslutning

Ilisimatitsissut tusaatissatut tiguneqarpoq.

Bilag

Utoqqaat illuannut nakkutilliartornermit nalunaarusiaq

Nakorsaaneqarfiup Utoqqaat Illuani nakkutilliinera

Ilisimatitsissut

SagsID.: EMN-2024-03659

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsivimmit Suliffeqarnermut Isumaginninnermullu Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq

Suliassamik saqqummiussineq

Nunatsinni Nakorsaaneqarfimmiit 2023-mi septembarip ulluisa 16-ianni siumut nalunaaruteqarnikkut peqqissutsimut tunngasut naliliiffiginarlugit Nuummi Utoqqaat illuanut nakkutilliartortoqarpoq. Kukkusumik nakorsaatinik isumaginnittoqarsimanera aamma najugaqartut aseruuttoortut paaqqutarineqarnerat pillugu Ombudsmandip ernumassuteqarluni allagai tunngavigalugit nakkutillisoqarpoq. Nakorsaaneqarfik aggustip ulluisa sisamaanni 2023-mi kingullermik utoqqaat illuani nakkutilliivoq, taamaattumik tassani nakkutilliinermi pissutsit peqqissutsimut tunngasut tamarmik misissorneqanngillat.

Nakorsaaneqarfimmit nakkutilliinerup kingorna nalunaarusiamik suliaqartoqarpoq. Nalunaarusiami sulisut piginnaangorsarneqarnissaat kiisalu piffissami sulinngiffeqarfiusumi ulapinnerunissaq pinaveersaarniarlugu pitsaanerusumik sulinngiffeqarnissamut pilersaarusiortarnej, tassunga ilanngullugu nakorsaatinik annertussusiliinermi peqqinnissamut tunngasunik ilinniarsimasoq najuuttassasoq nakorsaanermit innersuussutigineqarpoq.

Suliffeqarnermut Isumaginninnermullu Ingerlatsivimmit nakkutilliinerup kingorna innersuussutigineqartunut malinnaatitsinertut suliniutit makkua aallartisarpaat:

- Utoqqaat Illuani atorfik ataaseq allangortinneqassaaq sulisut piginnaangorsarnissaat aamma ilisimasani avitsisinnanissaat ukkatariniarlugu, soorlu sulisunut nutaanut sulianut ilitersuussineq kiisalu immikkut sammisaqarnernik ingerlatsineq aamma sulisunik ilinniartitsineq
- Siunissami sulinngiffeqarnissamut pilersaarusiorneq eqqumaffigineqarnerulissaaq, taamaalilluni piffissani sulinngiffeqarfiusuni nakorsaatinik annertussusiliinermi peqqissaanermi assistentini najuuttoqartuaannassaaq. Taakkua saniatigut utoqqarnut tunngasuni 2025-mi marsimi suliassaqarfimmi peqqissaanermi assistentinut aamma peqqissaanermi ikiortinut nakorsaatit pillugit pikkorissartitsisoqassaaq

Ingerlatsivimmit aningaasatigut sulisoqarnikkullu naliliinerit

Sulisoqarnikkut aningaasatigulluunniit kinguneqanngilaq.

Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- o Nunatsinni Nakorsaaneqarfiup sulinera pillugu Namminersorlutik Oqartussat nalunaarutaat nr. 7, 15. juni 2017-imeersoq §11



Ilangussat

1. Utoqqaat illuannut nakkutilliartornermit nalunaarusiaq

Punkt 7: Kommuneqarfik Sermersuumi utoqqaat pillugit misissuineq 2023-2024

Beslutning

Ilisimatitsissut tusaatissatut tiguneqarpoq.

Bilag

Apersuinermi immersugassaq

Utoqqaat pillugit Siunnersuisooqatigiinnut kisitsisitigut nalunaarusiaq, septembari 2024

Utoqqaat pillugit misissuinermit paasisat

Utoqqaat pillugit misissuinermit nutaarsiassat



Kommuneqarfik Sermersuumi utoqqaat pillugit misissuineq 2023-2024

Ilisimatitsissut

SagsID.: EMN-2023-00821

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsivimmit Suliffeqarnermut Isumaginninnermullu Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq

Suliassamik saqqummiussineq

Suliffeqarnermut Isumaginninnermullu Ingerlatsivimmit Utoqqaat pillugit Siunnersuisooqatigiinnit kissaatigineqartuq tunngavigalugu 2023-p naalernani Kommuneqarfik Sermersuumi utoqqaat atugarisaat pillugit misissuineq aallartitsinneqarpoq.

Apeqqutit akisassat innuttaasunit 67-ileereersimasunit katillugit 433-nit akineqarput, tassa kommunimi innuttaasut utoqqaat pingajorarterutaasa amerlaqataannit. Suliffeqarnermut Isumaginninnermullu Ingerlatsivimmit tamatuma kingorna Utoqqaat pillugit Siunnersuisooqatigiinnit qulequtsiunneqartut aallaavigalugit tassunga ilanngullugit utoqqaat akornanni kiserliortarneq aamma utoqqaat sulisinnaassusaat, pillugit misissuineq qissaarneq suliarineqarpoq.

Misissuinermit pingaarnertut inerniliussat

Utoqqaat akornanni sulineq aamma timikkut eqqarsartaatsikkullu peqqissuuneq ataqatigiittuusut misissuinermit paasinarsivoq. Ilutigalugu misissuinermit takuneqarsinnaavoq, utoqqaat timersukulasut aamma pingngortitamiittartut kiserliunnginnerusartut.

Utoqqaat pillugit Siunnersuisooqatigiinnit utoqqaat sulisarneri immikkut soqutigineqarsimapput, tassunga ilanngullugu utoqqaat amerlasuut sulisanngitsut utoqqalinersiaminni ilanngaatsinngikkaluarlutik sulinissamut periarfissaqarnissaat pillugit inatsisinik ilisimasaqannginnertik pissutigalugu. Misissuinermit Utoqqaat pillugit Siunnersuisooqatigiit isummiussaata taparserneqarpoq – utoqqaat amerlasuut inatsisit naluaat taamaattumillu sulineq ajorlutik. Misissuinermit akissuteqartut 22 procentii 67-inik ukioqalereernermit kingorna sulinermit ingerlatsiinnarsimasut aamma 22 procentit sulinissamik kissaatillit ilutigalugu takuneqarsinnaavoq.

Ilanngussat 1, 2 aamma 3 apeqqutit akineqartut aqutigalugit paasisat katersorneqartut aamma ingerlatsivimmi tamakkiisumik paasisaannik takussutissiivoq.

Ingerlariaqqinnissaq

Suliffeqarnermut Isumaginninnermullu Ingerlatsivimmit misissuinermit inerniliussat tunngavigalugit kommunip nittartagaanut nutaarsiassaqaartitsipput, aamma kommunimi neqeroorutinik attuumassutilinnik imalimmik (ilanngussa 4 takuuk).

Suliffeqarnermut Isumaginninnermullu Ingerlatsivimmit timersorneq kiisalu suliinnarsinnaanermut periarfissat pillugit ilitersuinermit neqeroorutinut atatillugu utoqqarnut attaveqarneq pitsanngorsarneqassaaq.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.



Missingersuusionermut Naatsorsuusionermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Kommuneqarfik Sermersuumi Utoqqaat pillugit Siunnersuisooqatigiinnut ileqqoreqqusat

Ilanngussat

1. Apersuinermit immersugassaq
2. Utoqqaat pillugit Siunnersuisooqatigiinnut kisitsisitigut nalunaarussiaq, septembari 2024
3. Utoqqaat pillugit misissuinermit paasisat
4. Utoqqaat pillugit misissuinermit nutaarsiassat

Punkt 8: Inuit innarluutillit pillugit Siunnersuisoqatigiit aamma Utoqqaat pillugit Siunnersuisoqatigiit maanna atuuttut sivitsorneqarallernerat

Beslutning

inassuteqaat akuersissutigineqarpoq.

Inuit innarluutillit pillugit Siunnersuisoqatigiit aamma Utoqqaat pillugit Siunnersuisoqatigiit maanna atuuttut sivitsorneqarallarnerat

Aalajangiiffigisassaq

SagsID.: EMN-2024-04090

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsivimmit Suliffeqarnermut Isumaginninnermullu Ataatsimiititamut inassuteqaatigineqarpoq:

1. Inuit innarluutillit pillugit Siunnersuisoqatigiinni aamma Utoqqaat pillugit Siunnersuisoqatigiinni ilaasortaanerisa sivitsorneqarallarnerat akuersissutigineqassasoq.

Suliassamik saqqummiussineq

Inuit innarluutillit pillugit Siunnersuisoqatigiit aamma Utoqqaat pillugit Siunnersuisoqatigiit atuuffiat Kommunalbestyrelsen qinigaaffia malippaat kommunimullu qinersinermut atatillugu 2025-mi atuukkunnaassapput.

Inuit innarluutillit tapersorneqarnissaannut inatsit nutaaq 1/7-25-mi atuutilissasoq utoqqaallu tapersorneqarnissaannut inatsit nutaaq 1/1-26-mi atuutilissasoq naatsorsutigineqarpoq.

Inatsisissatut siunnersuutit naaportorlugit siunnersuisoqatigiit ileqqoreqqusaannik ilaasortallu katitigaanerannik allannguisitsissapput. Inatsisissatut siunnersuutit qanorpiaq

ilusilersorneqarsimanersut ingerlatsivimmiit ilisimaqqissaarneqanngilaq siunnersuutillu Inatsisartuni akuersissutigineqaaqqaartinnagit ileqqoreqqusat nutarterneqarsinnaanatik.

Siunnersuisoqatigiit sulinerat ataavartuunissaat qulakkeerniarlugu kiisalu ileqqoreqqusanut nutaanut peqataatinneqarnissaannut periarfissaqarnissaat pillugit siunnersuisoqatigiit maanna atuuttut sivitsorneqarnissaat iluaqutitaqassasoq ingerlatsivimmiit nalilerneqarpoq.

Inatsisissatut siunnersuutit 2024-mi ukiaanerani ataatsimiinnermi siullermeerneqarnissaat 2025-milu upernaakkut ataatsimiinnermi aappassaaneerneqarnissaat naatsorsutigineqarpoq.

Taamaattumik sivitsuineq inatsisissatut siunnersuutit piffissaliussaasoq malillugu pissappata, ukiup affaannaata missaani sivilissuseqassasoq naatsorsutigineqarsinnaavoq.

Inatsisit nutaat atuutilersinneqarnissaasa tungaannut siunnersuisoqatigiit tamarmiullutik ingerlaannarnissartik piumassuseqarfigaat. Siunnersuisoqatigiit sivitsuinissamut kissaateqarnerat tunngavigalugu Suliffeqarnermut Isumaginninnermullu Ingerlatsivimmiit inassuteqaatigineqarpoq sivitsuinissaq ataatsimiititamit akuersissutigineqassasoq. Inuit innarluutillit pillugit inatsit nutaaq aamma utoqqarnut inatsit nutaaq atuutilerpata, siunnersuisoqatigiit nutaamik katitigaanissaannut qinersisoqarumaarpoq.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviumik uppernarsaatillit

- Inuit innarluutillit tapersorneqarnissaannut Inatsisartut inatsisaat nr. 13, 12. juuni 2019-imeersoq

- Kommuneqarfik Sermersuumi Inuit innarluutillit pillugit Siunnersuisoqatigiinni ileqqoreqqusat
- Inuit innarluutillit pillugit Siunnersuisoqatigiit suleriaasiat

Ilanngussat
Soqanngilaq.

Punkt .: Taasariaqartut allat

Punkt .: Imaqarniliap akuerineqarnera

Beslutning

Imaqarnliaq akuersissutigineqarpoq nal 14:08.